

白
華
前
稿

白華前稿卷第五十二

南淮 吳省欽 冲之

古今體詩學會後集三

宕渠柑圓膩而黃漿甘美敵興產居人皆呼爲
橙作此正之

蜀漢擬江陵利種橘千樹太冲賦蜀都橘柚守園戶橘
大柚乃小海柑狀尤巨移橙趁細雨僅見少陵句希沾
銀甲香妄竊金球譽味酸性曲直被棄無可訴巴渠產
嘉果一圍似圓瓠手撻黃細膩爪擘白婉孌并刀喚徐
剖玉液滄然吐甘居渴羌名拚受餓隸妒是疑平蒂柑

土名牀沿溯否卽橘中王橘官籍失注伐檀斫樸楹一

誤成再誤彼橙屬有五於此絕無與卽以波斯論皮囊

等敗絮

吾邑波斯橙實大一團皮醜而甘其漿則甚酢

言感洞庭春流光壑蛇

去

今春賦洞庭春色蘇蹟

投靜邊寺贈悅公

張南軒裔嘗習五經四子書

飄蕭橡葉趁輕鞭一分坡陀九分田蓮社開林慙晉士

鶴洲捨宅信唐賢家傳道學非真墨座遶雲山不離禪

留伴長明燈照影龐眉無恙鬢絲偏

靜邊寺

宏治前名福堂院有泰定碑言天成間靜邊軍刺史徐承亮舍宅爲之

暮經蟠龍山宿宿翠微寺門左屹一碑駁落奧魯字上

言天上麟姓出偃王裔嘗刺靜邊軍舍宅後唐季下言
荏苒盜闢夜肱登笥縛僧強劫金頭斷金不界爲資七
寶裴永證三摩地是名福堂院佛火罔失墜自餘七八
通修造付傳平記雜以有韻篇有吻競騰沸而我攻其
瑕知人必論世佛院宋始名知軍宋始置明宗入繼初
豈豫改宋制年時登小康焚香格天意闔王紛度僧爾
宅諒可棄眞人婦竈紫爾或起放廢終老老沙門覽古
動疑義滿山蹟自垂輞川賞難繼世間佞佛處亦復判
顯晦跌生憺忘言柏堂響寒吹

營山宿則池書院

李特讀書臺國
皇臺皆在縣境

賓馬行嘶緩方冬見落梅一川交漢沔四路上蓬萊獵
將非無種儀皇信有臺卷堂逢硯凍畱待使車來

抵蓬州

幾折清谿渡蘭舟水上飛水雲漫野淨谿鳥度江微蓬
觀餘佳氣琴臺自落暉不知山近遠看煞玉環仙肥

果州試院答澹園太守將之成都畱寄元韻

灌江冬半候紅旗萬派軍儲按漏卮君治蘭絲都就緒
我扳桃李未成枝一官泛跡匏應笑兩地縈心雁自知
幾點梅花草堂夜年頭年尾照相思

充國城邊講院開經管蚤費苦心來學兼耕養須通藝

政出兵農獨借才太守循聲垂石室大儀清望樹金臺
嘉湖勺水蕪榛滿夾巷歌絃豈易哉

西谿西上板橋紅重叩仙居冷翠中何代金釵潤水化
往時玉醴吐春融茅亭一曲新添座草閣三層稍駐筇
悵望較多歡喜少懷人無語遠臨風

蓉城不與果城謀下馬匆匆上馬愁看竹傾如賢主在
擘牋特爲故人畱來書乞談牋滄江伏枕成歸臥謂晴遠道

乘輶託往遊借問樊川禪榻畔全家何日沂芳洲

武后長安鐘歌

鐘高二尺餘圍倍之其徑三分圍之一上下

無侈矣如古鐃鐘然在保寧府署衙神祠乾隆三十年郡守江樸自郡樓移此其文云維大周長安肆年歲次甲辰拾伍癸丑朔貳日甲寅合州慶林觀觀主蒲真應等奉爲挂神皇帝陛下敬造洪鐘一口重四百斤普及法界蒼生竝同斯福朝議郎行合州司馬馬德表

閬州州衙神聽聰古鐘在縣爲質銅有文從識不從款甲辰推歷金輪紅秋官侍郎時入相來春反正迎東宮鐘鳴漏盡悔已晚一語侃侃回羣孽利州黑龍感妖夢

才人受詔年猶童五娘被誅究何辜祕記枉遺謬淳風
冊封天后決軍國坐使廟廡移旋蟲鑄神十二鑄鼎九
豈獨殿鏡資冶工長安改元齒垂暮白馬主骨埋蒿蓬
慶林觀隸合州境觀主祈福懺恩思昔年若月若匝
堽神誦德長延洪鳳閣所獻未傳此壹貳紀數紛交証
其書回朔尚從日如恐二日行天中上陽遺制去帝號
氣機崩應將母同問誰逆挽致鄰郡蒲牢吼遶霜江楓
昌丰士女候昏旦穢聲一洗歸圓空景雲鐘銘尚傳世
李家孱主光熊熊是鐘先成僅七載角正臂奔厥腹空
化朝霞蹟玷彤管敢配鼙鼓音逢逢敲殘夢落瓦官寺

裙幘撰記翰龜蒙

閬州聞擢右庶子名院齋曰附鶴

瀛洲聲價五科前八度衡文

寵命偏月殿遲修書

庫祕春坊特掌印襄懸官如韓愈平淮日治郊文翁化

蜀年酉歲還

朝榮見庶要誇閬苑鶴書翻故事館選

輩皆稱晚生學士庶子雖不及七科亦用此稱謂之士不見士庶不見庶

閬中教場傳是張桓侯所闢

干步場開石壘成腹心一將豎雄名讎人肉在吾將食
死豹皮畱賊自驚刁斗至今嚴舊號陣圖何處擁神兵
和門日落風雲壯不比魚池草蔓平

文湖州祠

漢平帝時梓潼文齊守益州子忱世祖時守北海宋史以同爲文翁後誤

兩京文太守支裔混廬江舊里桑園郭空祠竹埽牕不
傳丹竈鍊盡說玉棺扛一事輪坡老湖州蹟未堯

除日尋琴泉寺塔址塔圯於庚午五月所藏王

鎔妙法蓮華經殘葉曾於蔣石前輩寓齋見
之何大令挹斗別購三紙相遺率題其後

琴泉吾一遊杖屨緬猶昨歌管嬌上春慈航覽樓託朝
來來射堂中埃響膊膊架石誇超騰鼓刀駭揮霍萬夫
競一闢荏苒日西腳世間聚散理塵草感輕弱除歲尋
枯禪好事不吾若寺旁翠堵波燈受祝融虐敗磔堆圉

輪遺墳露圻鄂方當營造初千花湧檐閣鎮以貝葉文

東筍臥交錯就中轉法華吮毫意縣貌名如降表僉稿

異擔簾削願力參成膺盤戴失盤礴但聞烟冒井縣卒薛忠

言塔圯時縣前井有烟歎湧雨日始息無復風語鐸後山功德水未可測

蠡勺禱雨雨並施旱夏通微漠龍靈與佛慈稽首向嬰

珞惜哉希世寶殘楮亂飛鐸紛紛粥飯僧坐視隔胲膜

多君惠數番快比噉雞臚雖乏仙丹裝應類顛米攫彼

哉王侍書體態遯綽約雲看妙鬢護池想摩訶鑿傾囊

炫暴富歲酒賀相酌如聞餓隸言送窮葦船縛

柔兆涖灘

袖東司馬自安岳馳索拙書以詩奉報并寄紙

乞畫

毳幕羊燈勘羽書玉虹閣下吏人虛知君笑戴春星返
紗帽籠頭作去歲除

六草三真分未能偶然落紙簇秋蠅豈知冰碧胡僧眼
誤把雲間一派稱

青藤逸品擅家雞奕代風流冠浙西一水一山須乞我
者般白蘭勝鷺谿

潼川郡學宋刻千祿碑

魯公二顏後家學湖匡正勉識忠孝字鉤畫儼生敬適

來鄴王城四望企遼負劉豕廢兜率庾碑剝護聖枚枚
夫子堂象石尚輝映旁有環堵居士碣勢雄橫是爲干
祿篇三蒼備釐訂部非叔重分訓豈子雲贗丁州戒天
斜束縫辨合併於焉筆牋劄點勘無餘病中材處末流
尤悔集言行妄撻顓孫念顓諷鄒侯令伏獵蕭郎稱杖
杜李哥命小學雖區區罔不係賢佞我公生是時好古
稟天性一麾守吳興行笈藉撫證手書勒東廳搨者走
相慶復有蒐討功聲韻力斯竟包羅浩如海研析照如
鏡卷成三百六

崇文總目公韻海鏡原十六卷因學紀聞作三百十六卷視此殆庭

徑此傳彼失傳落筆想撥鐙一公書遍華夏柳腳魏搨稱

重摹出宇文

時中

筋力賈餘勁取配閑成經鼓鐘振羣聽

蘆花淺水得方字

釣罷蘆花岸船歸水一方
篙輕痕就淺枕短夢分涼瑟
颯風華老惺忪夜影長
逗天青窈窕倚月白茫茫
隱去還窺渡樵來每驗霜
但應浮海粟豈必話滄桑
紅墜芙蓉渚黃侵橘柚鄉
坡仙吟興永蓑笠伴相羊

漫波渡古藤

渡前老藤如怒虬虬身龐劣大蔽牛三本五本關神力
高樹黃絲幕天色樹槁藤榮藤亦樹是樹是藤偃官路
繁花碎簇霞錦顏罡風一掃青蓋傾君不見青藤入幕

汚人口青蓮不落求王手

重入寶圖山秋塘瞻紫穉莊繼至

細馬春波緩重尋豆子明半空開合影前度去來盟雅
近神仙窟粗兼吏隱名良辰逢小暇先焚蕪香迎
覆尸敲妨帽安梯劣避鞅靜聞花氣湧豁見麥芒排題
識人難遍盤桓客可偕一輪推法藏輾轉笑生涯
屋後峯還峭纍纍累卵同到頭仍漏日遶腋盡卽忍生
風珍木依亭瘦幽禽覓路空祇愁蒼磴幻鬼怪眩青紅
幾面鐵橋飛橋孤草樹菲急投千丈下薄采一枝歸吐
嶺深鐘滯通泉短杖違流雲真愛我造次滿征衣

升庵看梨花與赤甫和澹園韻寄榕巢觀察

清明花好數梨花院落溶溶月照斜不比櫻桃風候冷
夜燈深掩讀書家

去歲花開巧背人今年花發淨歸塵升庵庵主歸偏晚
雪嶂誰消萬斛春

花太穠繁葉太疎願分津潤到霜初一堂詩帖流傳美
恒得涪翁手自書

幾回低酌幾長吟欲關棠香信轉沈多少凱師鬪歌舞
小園如許不知尋

紫竹園女史陳絳綃以詩索升庵梨花與澹園

赤南同和其韻

幾片雲衣路隔塵滿園紫筍笑爭春一枝拗斷閑簾影
賴有擎箱作使上人

綠牕如水夢初回豔雪紛飄冷寺隈枯遍彩鸞新韻本
不將幽蕊釀雙杯

寒食娶春雨竟休爲花持護替花愁碧苔亂委無人埽
分付瓷餅字硯頭

陸生促坐醉飛揚沈五狂題也歟香盡取折枝屏障輒
好攜烟景到江鄉

不盡杜鵑聲。風催綠遶城。相逢采茶女。勸作采桑行。江
壯分沱入山遙。點雪生醪醕。春釀美。留醉凱旋兵。

揚子雲墓距郛二十里不得過

新室比元公。金滕耀圖冊。特有文學臣。應運光廟祔。法
言擬魯論。太元擬周易。著書矜滿家。六藝漱芳液。直同
孔氏尊。敢共孫卿斥。班爵中大夫。豈止執郎戟。惟時秀
與章。符命眩狐帛。臣愚拜稽首。肝膽銘新德。其文皆雅
馴。其誼太詭僻。投閣悲見收。遺骨臭紛積。而何傳異辭。
奏賦甘泉夕。寸腸出納餘。若鳳墮輕翮。事在孝成年。地
有子雲宅。以彼淡泊心。匪爲榮利役。寧知安漢公。亦襲

謙恭迹言僞行則堅兩兩試紬繹我懷汎鄉侯風采樹
疇昔終爲漢賊戕不獻秦皇劇一忠復一佞萬古著朝
籍結亭亭未荒過墓墓難式告語問奇人忠孝字須識

桐花鳳

我聞梧桐高高鳳皇宿合以紫白顏膏刺種有六陸璣
手疏終失詳春仲始華是榮木未聞鵲占窠頗見鳥投
乳寶登邊實材中琴豈假游禽炫毛羽鵲城三月花風
顛古桐花吐杯口圓蜀王歸啼血濡縷化作紫玉籠春
烟烟輕露重滴不下香影絲絲惹羅帕忽聽秋將連隊
行尾長觜短啄花瓣滿身金采花濛濛吳娘百欄腰裙

紅醉花一陣悄飛去且晝晚與三朝切遙同鳳來何從
隱何處蒂落梢空月在樹執扇猶煩入畫傳玉釵那有
收香助我思候禽時鳥紛爭如爾雅多缺蟲魚箋綠毛
之名坡未然王郎浪得桐花號此鳳此花直一笑桐花
而近紫大如瑾如戎葵而受露較香鳳如萑而小毛采
頗陋且則數十百葉花中少頃而去晝晚復然間有掩
得者卽斃坡公以爲綠毛么鳳好集釵上者殆
誤漁洋郎似桐花妾似桐花鳳之語亦臆度耳

雲巖相公凱至成都枉綬見過

將相旌旗拂露濃拜恩何止錫衣彤韋平福量延門
第方召勳名被鼎鐘羌戶卽今殲白狗蠻碑終古誓黃
龍岷江水是天河水盪洗戈兵及惠農

車書禹會遍梯航。滴博蓬婆彼一方。雙堠飛馳連石屋。
六韜雷動換牙璋。天經小漏痕宜補。郡棄荒厓策未長。
笑閉西南夷列史。何人走檻桎蕃王。

朝聞土婦獻儲胥。暮躡降奴下斗墟。聚米便知形勢盡。
勒銘聊記事功餘。丹旗告禍金維奠。白組成俘雪微虛。
地利天時憑藉久。棱威今震格丁書。

鏡歌聲簇錦城春。手取西戎笑語親。平蔡自輸行幕客。
封綬不忘倚樓人。時見訊趙歸朝鞭銓精神壯。畫閣
冠裳氣象新。爲是清時鉉鼎重。角巾東路漫抽身。

院牆外有鵲掩二雛美之

月黑號怪鴟如鵲亦如哭憑依在何許齋西不材木伴
訓狐夜噪效黠鼠晝伏謂將喚我魂切齒到僮僕摧樹
斧作薪養惡禍宜酷剗來敲枕安意外見飛樓炎燎秉
祝融強弓張若族攻翅兼覆巢二雛幸可肉狀肖貓頭
圓勢學鷹爪蓄欲期醜類豈敢卹胎瀆炙法傳漢宮
信美冠蟲鱗何勞見彈求差異置契逐見物類
感應志蜀人競
相笑是產邇鄉谷是名鬼登窠見物眴園目飼之既辟
邪縱之或致福大軍開牙門得梟勝豫卜向使懷好音
何至誅聚族愛憎易顛創事事怕隨俗一鳥良區區我
直爲口腹破鏡祠軒轅茲意爲君告

喜述庵至自軍中抒舊述懷並感璞函漱田鑑

南諸子

磨盾千程去駉弓幾輩還喜深號涕近別久語音怪淇
隄班荆後滇陬叱馭間從軍能贖咎得侶教授艱霧毒
金沙水雲昏鐵壁關未須驪樂奏稍及羽書開士燮聲
名重虞翻骨相孱更逢羌尉告頗近蜀邊患蝸角紛思
逞羊腸險怯扳層綢巒巒編笮浪潏潏大將先移指
偏師各整顏前禽占不戒瘳犬性逾頑轉餉流如水連
營鎮似山夏峯埋雪冱宵燧映星闌弁爲敲冰缺蹄因
奪隘殷矛炊遲反哺戈枕嘆長鯨數載勞傳檄三霄龍

賜環手看飛霹靂鬚詞換爛斑百戰功全定雙麾令弗
姦白狼歌振旅朱鷺聽平蠻執訊齊懸葉旋歸適秉簡
我宜迎候遠君覺過從憫拱拜儀文濯招陪刻漏潑巴
音腔最雜楚舞影頻彎婪尾深杯盡遨頭上座稠細談
惟藝苑散跡自朝班報國文偏壯懷人淚忽潛縱教
銘石碣無復唱刀鐙骸髀門難倚媿媿稿忍剛疆場多
節士廣采播通寰

長洲孫孝子孝蹟六咏

蕞爾一抔土蒼然數點山山形堆似米負米客無還

右米堆山

結廬在鬼境風木號不斷夜牕人廢眠惟有鹿來伴

右居廬處

南岡復北岡親家墓相準子種松萬栽女種松一本太
君葬其父於此手植松
一株人稱爲孝女松

右萬松岡

春渠瀲灩聲鳴遶墓田去去水不知回飲源渺何處

右種秫渠

莫嘗梅子酸且折梅花古見花不見梅白雲凍蒼鳩

右梅花塢

宅被
恩綸表圖教禮殿增洞庭山翠晚倚枕數祠堂

右雙旌祠

金花橋

金花橋上春人行。金花橋下春水鳴。水行東下人南上。
六對好山遊不成。

白鶴山憩魏文靖讀書臺至北山拜祠象不及
尋胡安點易洞

朝絕潛水行。驕鳥勢已黯。遠嶺堆雪華。太陰沁心目。
欲往路孔修。徜徉就山曲。油油黍與禾。窈窕樹交竹。
登頓三數成。石氣逗寒淥。久荒白鶴巢。庶見少師躅。
少師起邛邛。奉諱精嚴麓。造門多哈巾。入室有餽粥。
去國十七

年誠正耿幽獨垂暮邀御題未遂首邱欲墨池光云云
講臺影肅肅吾鄉洪洲老碑薛莘堪斷爾公公不膺北
走磴紆複衆峯環一峯金界暗楓榭鳥性悅茂林鐘聲
闕虛谷可憐理學臣佛火伴栖宿緒言墜前喆妙解九
經讀尚聞點易處匡洞掠蝙蝠懶爲著屐尋且向守祠
勛鶴去鶴終歸千年斷樵牧

青衣橋雨

青衣江樹色青青到我眉拱畫屏拚向一年過一度
如入涼雨打橋亭

相嶺溪羅花甚多向未之見作歌紀之

邛崃關插九天上，隻輪悄返馬蹄向。夾谿夜落礮聲強，
滿岫午蒸嵐采漲。頑雲飄鬢涼絲絲，上界鋪滿銀畱犁。
斗然矯袂抗雲表，寒箐無援并無鳥。天恐王陽引轡回，
繡出娑羅慰枯槁。花口大如杯，花鬢拆如綫。五花八花
擁一團，白者水晶紅者茜。紅能燒嶺白照之，攀折親爲
相公奠。相公南征不過此，漢家木官蹟難指。行人認說
山枇杷，一種繁華付流水。花乎花乎遍嶺生，夏寒平看
萬里迴。雪峯攢攢。

漢源宿

清溪學宮在此
時將移置邑城

隋縣何年併民居，一關喧譁多山失。瘴嶺斷漢生源問，

價樵蘇賤聞歌禮樂尊自來邊戍地談笑驚西蕃

白樺

旌節稀疏齒蒼容瑤杯難得覆枯槲不妨竟任儒林誤
改作川南白及花

田敏不知日及改爲白及見宋史儒林本傳

火澣布

嵩州海棠砦六月凝晝寒兵家擅織作爲布文闌干一
幅僅盈尺八幅名一端受質苦龕重溼腐蒸瀰漫但納
羹炙汚何補裳衣單我欲揮裂之館吏請少安謂足界
炎燄垢膩無畱觀本非廣與麻亦非綃與紈并非白獸
毛經疏徒欺調山厓不燃草扶寸根孤蟠采之旋緝之

抒袖資人官獻者報章易購者連筍難誰謂火性酷生
氣中不乾誰謂火德旺陰氣長作團至人戒語怪塊軋
洪鈞完升菴辨石絨所見非不刊焉得鏟層障萬頃撞
華攢奇溫被華裔益益騰餘歡茲布信可棄勿燎脂膏
殘茲草倘可拾且供薪金餐

蓼葉坪宿

意外明墟火逢人乞酪醕六時寒帶暑三戶夏分我蓆
荀侵檐白林檎映盃紅笑看山太古倚枕水聲中

翡翠鳴衣術得園字

一桁春衫挂禽華樂彼園機中摹樣巧座底哢聲喧誤

認人家入欣陪女史言咬咬
黃隔陣足足絮連番偶當
蘭茗借長兼組綬翻舊游魚
沼靜遠語燕泥繁杜鵑君
休污荀鑪我試溫好音聯袂
處還帶碧梧痕

蜻蜓立釣絲得亭字

理釣人何往維絲下鷺汀盡

卽忍切

廻飛款款端共立亭

亭六足翔應倦雙環逗最靈
颺風斜護影漾水妥潛形
蘋際兼沈餌蘆邊自織星
魚窺紅腳躡雀伺碧鈴
屏抱葉蠅差擬栖茗翠孰
令綸收蹤去杳倚坐思冥冥

瀘山蒙段祠

初有女郎象相傳蕃僧招女緣
柏上昇處其祠榜則曰蒙段

邛池枕蛙鴛遊眺記疇昔淫霖
倒海門對岸沒蘆荻漁

舟剝木爲兩兩編若柵延緣泊寺根深恐地維坼草草
網巨鱗遑問小蛇蹟今年暑漲遲重度葦間宅波光映
石戶鳬鷺響拍拍峯如芝菌抽寺比螭房窄偏裨舊詩
版戰血炫狼籍闌檻倚孤青邨莊點虛白向後祠一楹
蔭以千歲柏盤旋獻左紐寸寸象牙色云有翠袖人板
此肖飛颺梵語招半空圖狀狀巾幗所幸祠勝存祠主
我能識六詔蒙最強段興士斯闢北第大度河南盡求
昌驛漢夷徵服從思慕共無戮豈獨張翕祠斬牲報明
德末流好神怪一例附仙釋願撤土木骸奮向池心擲
不見白帝城不見江瀆壁

江瀆祠壁有
李順畫象

蠟蟲

蠻疆陰候疑有樹翳冬葉作花夏至前如雪綴妥帖有
蟲蟣蝨如託命效蠶咬食葉兼食花視望逮童妾模餉
交糞涎在樹委重疊薄采急相煎片片手紛拾亦有冬
青枝散種法逾捷一蟲散萬蟲八月收滿篋論升費掇
羅倚擔輕跋涉利同割蜜輸數異壓油劫廣物異名疏益州有壓油
蟲壓之油盡投水則油復生內典所云壓油殃也安得攜與歸似繭孕仙蜨皓
首事明經更補癸辛牒種蠟法見周公謹雜識

寧遠歸次雜題

十日崎嶇半日平叢殘夷落戶編荆三年前事分明記

滿路官衙白芳兵

吸華絲罽舞衣斜舞女風流屬漢家獨有西天清淨果
一生修到貝多花

來禽青李蔽山厓栗葉連陰栗皺排卻向文園治病肺
瓦盆石斛露金釵

青谿關路黎州外鑿塞紛勞紙上談天水七朝邊患少
爲將玉斧斷雲南

泚水異名湑沫水南安東會大江虛怪他三寫成泚字

欲賂蘭臺正漢書

地理志汶江縣哉水出微外南至南安東入江青衣縣大渡水東南至南

安入哉說文以泚水出汶江縣微外東南入江以沫水出蜀西微外東南入江沫蓋卽泚也呂忱亦作泚水顏

師古漢書注哉音哉集韻哉
或作泚其爲泚字之譌無疑

平羌爭渡石欺篙潰口橫飛鐵索橋截得彩虹天上坐

半輪山月鑒分毫

雅安鐵索橋旁新
建一橋以拯行者

稻花香細豆花清日暮琴臺酒就傾目斷銀河秋射角
教人何處問君平

二江終日響潺潺杜宇昇仙去不還笑指惠陵桑柘在

一鞭斜落七星間

昇仙橋卽駟馬橋一作昇遷橋唐書
謂之昇遷梁在北門今南門外昇仙

橋殆係
附會

題晴沙裊眉吟稿並倣其體送歸梁谿

開口笑移疾宴如觀道心言從大暑候獨宿我眉陰脚

雪照古色山潮浮古音袖中攜一卷可以譜雷琴
秋月漾平羌懷人江水長烟濤下三峽夜火暗丹陽卽
此具仙骨誰能迴佛光梁谿近甫里彷彿鱸魚香
成都五年住都似浣花翁君對浣花水長吟太白風餽
糧百戰後爲政一家中千里舉黃鵠知子歸興同

白華前稿卷第五十三

南匯 吳省欽 冲之

古今體詩學舍後集四

起丙申六月止十二月

陳和軒招同楊鈍夫呂陶邨補蘇亭覽青巖高
月峯楊仁山馮小山集城南武侯祠精舍

丞相祠堂勝草堂平消秋暑鬢生涼二千尺蔭森森柏
八百株團暖暖桑略檢琴書參法座竟攜葦酒破齋房
心知萬里橋頭水不共行塵下故鄉

幾幾冠蓋錦城闌各算軍儲問計然休沐尚容偷暇日
應酬還當會同年巾車一到人皆主羽扇重搖我亦仙

看取大名題壁好長安雁塔要分傳

仇英投戟卻虎圖

碣雲蕭索龍匿采石城踞江東竟海稱玉稱帝眈視雄
甲械兼儲勇百倍折衝校尉興義兵舉賢任能孰與卿
曲阿王氣產白額肉人肉馬飢腸擗人驚虎驚箭沒羽
碧眼迸裂人亦虎黃金戟枝飛電雙卷地吼聲若插鼓
帳下健兒鬚夾頤心膽驚服顏死灰紫髯主人礫如戟
一將滿酌雲山壘君不見景升豚犬跡漸滅五官竿柘
技趨絕斫案已教鼎足成爭橋更詫鞭梢掣度亭埭日
風搖腥一時人物傳丹青秦盧越棘鍊長鎖鎖鐵萬古

沈沙汀

題蜀字匡謬示諸生

長卿撰凡將子雲成訓纂西京尚小學再傳見已罕六
書縱就湮破體得其半奈何沿末流草草便增損豈惟
混下朋直欲消壑壑此傳彼爭受滿紙結蛇蚓不思復
不學楷則遽斯泯卽以千祿論北轅引南轅 國家令
寬大藎兩禁從緩無多奉諱字汗青事編刻臨文禮不
諱泥古誤非淺請看孟蜀時石經耀龍轡一逢淵與民
缺筆形宛宛使者良區區化俗而滋報勉將文字緣講
識刮羣眼毋謂風會歧蜀學綜前典

九日竹軒少宰邀登貢院門樓

故蜀王府

房蓮粉墜鈴菊排蕊居丈室廬縮蝸欲風不風雨不雨
折簡屢贄材官差侍郎下馬十旬日飲馬便飲摩訶涯
曲池已平闕門在鼓角遠和譙樓皆蜀王雅著秀才譽
周憲樂府名相儕求師爲從遜志學遷骨更把金華埋
一朝故宮委蕪礫牆雉無恙紅如措升高望古思何限
行止偶爾波緣簿往年駐軍過重九朔舍累甕峯橫义
彩糕欲題苦未敢廟廊西顧紆
宸懷今年拔旆勝
拔宅栖畝況復連其藉蟋蟀之詩采唐俗義取後樂非
浮哇下臨萬井洗兵氣有酒直得傾長淮明年此門關

秋賦走也無便投檄募軍儲無算覈成算雙節想亦回
天街當樓忽聽雁聲墮玉壘山氣凝夕佳

泊黃龍谿

三舍華陽道迷離晚翠封大江縈赤水何代見胡句黃
龍甘露碑終泯彭山堰未壅欲知禾稼美夾岸酒香濃

彭望山

柏人迫於人隆準義不徇征南行溯江旗鼓震艫舳是
夏監護戕井蛙計頗酷明知地名惡宜戒軍候肅賊來
暗如鬼尸氣積川陸難偕彭祖昇徒遣吳漢哭興王卜
天授人已喻心腹一死事偶然晝象麗丹旭論古辭激

昂覽今槩雄獨擊楫暮雲蒼岵嶺萬山東

彭冢

三尺階前進雉羹堯封只合住彭城如何西土羌髡外
也把荒墳認老鏗

商家守藏贊修同譜系何人冒陸終不及青牛周柱史

混元香火李花紅

論語老彭注
老聃彭祖

草草人間八百年南山石柳峴新仙早知天上鞭笞苦

悔習房中御女篇

蘇祠

蘇文生喫菜羹蘇文熟喫羊肉其人已往文尚存何止

因人愛鳥屋四年三過玻璃江江風刁刁催畫轡今朝
風利泊沙渚一渡再渡紆輿杠臥牛城闕翳烟莽紗線
街頭致蕭爽解帶先圍古柏粗捫碑細剔春苔長東坡
居左頰濱右文安主簿笏端手名命如聞醺醺呼經傳
尚憶循牆走一門謠詠弄機權子瞻謫詞右父子兄弟
挾機變詐驚愚惑眾語
百代光芒射斗牛龍眠寫生神不枯玉辭輟贈真吾徒
木假山堂倚丹檻勺水涉趣同江湖王侯甲第滿朝市
宅廢祠成歲難紀詩版頻遺玉節題堂後懸王
新城詩版劫灰幾
被紅巾毀撞鐘伐鼓三辦香炳靈江漢歸舊鄉光佑蜀
學化蜀黨非緒一氣登福昌

泊下巖尋喚魚池至流盃池小憩

水縮灘愈強榜船睨石罅避石趨凍泮一落陌腰髀緣
坡竹離離未暝黑於夜逶迤就蛇徑佛閣聳高跨閣後
千仞岡飛翰奮難借肩江潮我前欲挾岸俱仰出閣改
向南羣翠赴巾幘琤潺荒礪邊絕壁斗凌駕人將跼跼
題客待攢瑜藉喚魚魚不應顧影漫悲詫隔礪三四峯
屋上屋還架策策籊籊聲死斑斑鳥污化厓厓蔽洞口藥
氣撲香麝緩帶稍流運流觴竟須罷

自中巖寺喚上上巖

精藍隱重椒續斷發微磬取徑循山梁風壑雜清聽壑

枯泉尚漸照見衲衣病三上上法堂苦奔沸聲定山深
擁鑪旱汗雨拭旋迸遙指石筍間渾沌結孤勁異僧破
魚鑰嘶然若破甑橫分一二三好事足乘興導我長明
燈歇我虺隤銍爲恐凌風翰一誤落虛竈怪藤牽客裾
滴露看逾淨劇遊遇新險欲乞聖僧平栗狙紛竄騰竹
雞亂噉應長嘯毋久留瘳筇託孱命

局院調水丁東井

丁東院外丁東井路介宮牆五度行點滴細傳環佩隱
煎嘗孤負瓦鑪清墨池徑澀積新構鹽澆灘危失舊名
誰似羣公題賞處醍醐灌頂耳雙明

嘉州判筆應手聊紀以詩

舊鄉近吳興選毫動盈把都門劉必通聲價震朝野書
訣吾不工久躍鍾王治非無揮翰時每倩寫官寫泊從
使西川官事手難假墨筆畱諸中丹筆告其下煌然紅
勒帛萬目視取舍粗宜眉硯粗何苦購宮瓦有吏抱牘
來一管妙嫺雅濡染狀淋漓點畫致瀟灑俾我青頭雞
五雲袖間惹心知嚴求法此地無存者物遇重圭璧數
違輕土苴願續大義遊冊題而還赭

以願門集寄峩眉諸寺

半天佛閣費登臨幾樹濤松悄和音笑倒酸寒白居易

祇拚一本度東林

玉帶山門鎮未曾前身我亦

端安學驚人語

怕遣茶毗落夜燈

平鄉峽口望多時願海蒼蘊

得者飛公案在

篋中分配海棠詩

高望樓

西川奇觀數龍游山上高城城上樓峯點蛾眉殘雪秀
峽批熊耳大江流竹公祠廟神何在草寇驅場事已休
須向淩雲睎白酒人生幾度度嘉州

清音亭是淩雲最勝處

我昔登大峩兩翼傳天咫尺下視嘉陽城微茫混雲水今
來集鳳峯冬旭獻妍美左盤盤右盤危樓面人起平砥
枕方池池墨亦枯矣當其洗墨餘亭扁蔚霞綺清音勝
絲竹幽景謂止此豈知登眺初江會會漫瀾搏激爭豪
雄并力走南紀蛾眉照夾鏡傾我目成始復有一青螺
捧出銀盤裏想象椎鑿功秦守今不死曠如復奧如萬
象赴檐底巖壑飽大觀浩呼坐移晷酌酒村坡仙何因
去鄉里

晴沙於淩雲古洞伐石肖海通師象

海通師乃是嘉州九頂之住持一目睂非一離電照徹

三江江底潛妖螭妖螭吞舟如葉百千葉青衣錦水怒
相挾石根助虐排機殺殺人劇甚短兵接師非仇石石
仇人薪煅斧敲十僧臘前摧後拉中漸窳我佛分蹠端
跌跏二流溶溶匯腳下左右纏繞雙青縹壘山作頭俯
頽浪高閣七層影搖漾醜除菑溺航衆生仁王懽喜海
童悵當年經營分寸將佛財布施無主心死灰手剡隻
眼應賊吏衛民衛道天終回君不見焚香肖象報師德
洞門窈窈大書刻洞邊何物是千峯兩眼肉身汗顏色
烏尤訪青衣神祠不得

羣叢昔開國遺教嗟渺茫惟聞衣青衣勸課農若桑其

神享廟食云在雷埕旁雷埕卽離埕

見寰宇記

沫水衝適當

於今爲烏牛輿地記失詳

輿地記烏牛山一名離堆當以離堆爲本名

反令

灌江口名冒離堆長我誦鄭氏言南安灘勢狂鑿平賴

李冰江會流湯湯又言開明帝故治治是鄉有功民不

祀舊跡湮洪荒不識青衣神不傳青衣王卻傳犍爲郡

剖竹啼三郎俗情騫語怪考古心悵悵登城望明月千

載堙湖光

嘉陽晚發

謹船打鼓逝徐徐回首烏丸落照虛曠代蘇黃垂盡後

諸蠻袁董太平餘沙明野聚迎嘉樹春暗江流負拙魚

比似年前灘漲減半輪山月影何如

犍爲尋邵公濟祠

祠在資聖寺後

在宋擊壤翁世學出天腹聲音通律呂呈極託根紐洛
橋啼蜀鵲默默村陽九頻語汝穎賢避難蓋先走天彭
井絡間爾宅爾田畝子文一使蜀攜家赴官守青蓋降
青城幸及免虎口安坐綜聞見次第錄某某此老亦吾
師小築犍山右爲文告宗筋萍泊事非偶當時弦肄處
邑改人不朽破廟介龍池草徑颯檉柳金仙座擁前木
主龕蔽後後山圍翠屏石氣潤檐科迢迢經世心觀物
復何有寄聲白足禪殷勤泥若帚

清水谿先孝女祠

孝女名絡符縣人今爲合江縣父尼字和叔
范書以尼爲泥和以先絡爲叔先雄瀘州志
以爲元紹楊慎袁子讓以爲健爲縣人皆誤
有女遭多難親裾憐其拔爲磨公府命竟入水仙班溜
急尸長逝春回信尚慳全家行乞下偷息淚爛斑魚腹
成深葬鴟皮絕遠還獨拚衣去苔藻相顧繫珠環合節
南園外扁舟北渚間攫身投惡浪綺夢感神姦六日磨
非爽千秋史不刪曹娥爭輩行張帛訊鄉關符縣祠雖
廢犍江蹟共爛紫雲排屹屹清水寫潺潺名籍傳疑定

碑材請命頒禮寧遺弔溺孝本足夜頑渡影紛巫覡濤
聲咽熨變東京風教美敬采播人寰

朝陽厓卽李冰燒蜀王兵欄處

鐵兵今銅兵古異哉馬彪志地稱玉兵劉昭借肥范書
補玉兵玉岳三寫訛惟有縣厓照水赤白元黃尚如許
雲斑霞駁薪所燒冰兒膽氣咸粗豪圍腰白綬作牛關
爾欄何物爭堅牢蜀王後尸瞰巴焚踞險藏兵時啓塞
相對還疑彭關門自大真同夜郎國東方牧犢雄渭汧
力士踣破襃斜前塼田鑿犇任賢守利使兕甲浮汶川
火行燬石石靈龔狒狒攸攸燎烟接燄烈非緣插竈炊

灰殘那比焚書劫。猶山倒江江沸。紅萬魚潑刺鬚迴風。
楚鱗不上蜀船下。長鎖裊裊攔江東。啼嘯乎哉秦不自。
哀我哀蜀杜宇一聲裂崖木。

偕續松亭大令再過流盃池

去年追按部不續涪翁盟。謂俟舉科試試戴陶我情小。
黎接大黎多愁山雨傾。箋天快一諾連日暄冬晴松亭。
繫仙牒意槩超塵縷。兩撻亂流渡笑比輕鷗輕黃葛花。
新店翠艸抽廢塋。西江舊遷客三黨遭鬪爭。邊州詔安。
置壁荔心孤。清木機爲性命谿。鳥爲友。生偶然。侑栢杓。
涓溜交泠泠。新恩從內郡。遺蹟馳芳聲。古之羽觴制尾。

翼光有鶯元公暨內史禊飲咸取精盃如盃而大泛水
膠難行豈知兩耳盃唐賢資品評盛山十二咏渠勢流
盃成居方妙轉圓習坎占利貞青神昨遊處此老池亦
名若較山水勝奚啻中州信嗟哉薰與蕕憎愛區寸誠
黨緒出京手無復碑高撈人愛池上酌我愛池畔耕披
苔記前夢姓字鐫硤硤

鴛鴦圻弔漢黃帛

夫者張婦者黃湛者鴛鴦者水滔滔天高高音沈沈
心搖搖妾沒彼妾出此妾手夫赫然起西家咽北舍說
南廣津東京日

次南谿

服谿晨弄漿造次次江城山靜支琴臥灘寒挾鼓鳴
僮知自富巴婦與誰清竟伴鴛鴦死哀哀女史名

泉之詰惟各以書告純甫之歿

萬里寒鱗累牘黏披襟何意淚雙霑折除翻恨科名大
錯迂皆言藥病兼角扇乞題須閉戶羊車行駐有窺簾

曇華一見

胡甸切

真彈指孤露生成不可占

官樣文章院體書過江名士更誰如論才蚤幸言多中
去年會試錄至諸公言沈魯泉當狀頭子矢節深憐報
曰沈似第三人狀頭必純甫也已而果然尚虛魂逝方千金
榜後年輪李賀玉樓餘一尊他日團

頭話萬恨旗幟歎祝予

瀘陽大佛寺左爲花乳巖右爲少鶴山皆子所

改題可垣因以乳鶴名其寺

崇阿涌丹霞累構密鱗次負陰而江城一艇亂流至青
鞵陷白沙抖擻陟初地蒼厓栖金身斧鑿肖靈慧繽紛
妙鬘披絳縹畫幢曳闌黎苕帚忘空挾鼓鐘沸平頭見
外江側掠山鳥驚當宋當塗高一麾治神臂治遷德弗
讓山名我乃畀名爲少鶴山勒以肇窠字其右花乳巖
本名豆更使穢名避齋堂介中央如夾兩股婢者番獲
腐石改題割裂具深義乳求法乳垂鶴記鶴林事巡檐得老

梅欲笑我游戲匆匆噉粥來曾印雪泥未

臘八日可垣大牧致原大令邀入方山自下雲

峯步上上雲峯曠及石棚放舟東下

首塗指藍田

名壩

南有入滇路背之西北馳薑蕩塞沙步

緣江不見江江外山結互斗然彼一方嶽嶽豁烟霧期
我歷上頭又隔石棚渡欲速反就紆迴溯遂游溯嘈嘈
野市喧瑟瑟林莽涵分明九九峯峯影暗吞吐數里穿
寺門尚在廣平處前堂頂後堂未燼戒香炷云是受記
徒是蚤法衣付言飯香積廚載撫春浮樹仰面巖徑懸
兩翼勢難傳題無贊公房蹟有漢兒墓眼光忽動搖寒

流繞匹素是爲來處江中水了無與始知悠謬談耳食

到酈注

漢世祖祠江陽兒事近誣道元又以方山在中水實則尚遠

誰邊雞亂飛嶺

半引吭嗟黃花三兩畦病衲趁犁具髣松長於人密密
滴蒼露攀援蹋上方眷屬寄常住門外石一卷慧千履
所措門內池一泓慧知杖所拄金鱗隱溫藻想待聽經
故多君勸畱題刻刻事條疏使君巖固然庶子泉則詎
隔年踐勝約恐被古人妒來輿返以舟來晨返以暮吹
燈坐圓蓬擁禍語猶絮分噉粥一盂夢逐僧版去

可垣遺吉州近刻六臣注選賦疏解而以生雉

先之頃述此間士有書羣見作雉見者笑題

其後

堆案倥偬選學荒巾箱那得及青箱江淮舊侶唼嘲否

一語公然託贊皇

德裕自言
不蓄文選

此書鏤板九經同鬻市還應恕老馮道難得廣都裴宅

本細燒官燭寫三通

宋槧六臣注有廣都北門裴宅印
本宋景文自言手抄文選三過

李註從頭作鄭箋升高不媿大夫賢臨風漫嗅馨香起

繙過安仁射雉篇

六摯沿譌到士流秀才一半笑全休

宋諺文選
燭秀才半投詩分

少瓊琚響爲把人文記吉州

寄題富順宋儒賣香薛翁新祠

我登鉤深堂俯仰弔程叔傾懷治篋翁配耐嗽改卜薛
翁心迹同賣香給饘粥居鄰雒水濱行過眉山麓靜午
扃兩扉意象肖枯木一語砭袁郎滋理道探歸宿庶幾
扶經心易學遂在蜀蜀易昌資中李氏集說三十六力
排冢中言鄭訓炳宵燭流傳迨熙寧義海手鼎肉房公
審權亦蜀人百卷書人事省禍福雖博苦未精有待雍繁復
是翁生是時約守屏塵牘善易不言易藉以遠朝局其
學無可承其隱信可錄其德靜如琴其品白於鵠君子
久棄世開簾匪徇俗笑彼洞與臺研朱耀巖谷新祠今
告成未由薦杞菊敢告鄉後賢青雲步高躅

峽夜聞雁寄尚濱

峽雨化江烟江樓蠟炬偏一聲長墮地數影定排天倚
聽人偕遠能鳴爾弗先年來心跡嬾無帛倩分傳

試館石梅作數花雨中對之

凍枝埽牕上凍花落檐下翠禽無一聲官院曠如野寥
歷抱琴人霏烟浩盈把

安岳賈島墓袖東作瘞詩亭於前寄題

風樹灑泠泠孤雲落葉背殘齋僧入定苦唱鬼通靈逕
古畱樵跡祠荒剝蘚銘乾坤容偃仰長配浩然亭

白紵青山曲高墳小謝鄰生前徒病婦葬處自遺民尸

祝名猶忝風騷旨可親最憐京兆尹冠蓋沒蕪榛

強圉作噩

重過佛圖關

元世祖紀
作浮屠關

層關削立字浮屠白虎蒼龍映帶無門擁塗山朝禹啓
雪消江水會巴渝漆城終古懸天險草澤何人占霸圖
重憶宋元攻守苦扶桑壩下日西晡

鄒忠介祠

一種朱雲劍槐廳少年萬言懸象闕九死別龍泉理
學標華衮儀容抗細旃世間難了事驚見逐臣賢

釣魚城弔二舟生

白華前稿

卷五十三

西

涪王及信王惠蜀八十稔破家由逆曦蜀遂無安枕北
人責敗盟海奪錦江錦但苦兵役疲孰取形勢諗安撫
招二生入幕計勤慤築城二水交滿挹天池飲狂也來
繼之神勇過狼臙直使飛礮風大敵殞寒慄乞降自王
立萬命拯釜飢叢殘祠壁間相向錯趾祁申韓廟老莊
同傳不同品田橫島莫論張巡廟難審我懷籌障功鬢
眉動森凜何當酹一尊垂竿見魚滄

人日復抵果州

嘉陵江上日行人人日人來問北津恰是三年前過此
殘香爇火射洪神

東巖尋三陳讀書故址

潁水清灌氏寧淮流絕王氏滅巴有將蜀有相一西一
東兀相望將相之堂聚一門鋸斷盤龍氣猶王盤龍龍
自盤錦屏屏似錦台星迴照讀書巖玉潤金聲抱英稟
仁廟恩施優渥同泰公禮法謹嚴甚父教立侍母教杖
八十行年仲無恙大狀元偕小狀元鼎吉分占玉鉉象
識人祇數希夷翁天綱題識驚鴻濛地靈一去一千載
彭池滕苑烟雲空君不見琪花瑤草玉簫碧榴皮夜裂
洞仙蹟

敬齋觀察邀翠軒花下小飲

雨少風多次間州錦屏雖好那會遊
掀眉笑倚軒牕穩落手春山一角收

白白紅紅半吐含五年孤負曲江探
來朝戒報鼙鼙鼓慘到東鄰夢亦酣

說有談空霸氣降細傾短醖對疎缸
不知錦里遨頭會捶破胡琴日幾雙

燕燕前期去住忙著書學道我何嘗
槎枒肺腑無端起昨歲今朝縛鬼章

潼川使署東草堂書院故草堂寺址之半澹園

太守以少陵象奉焉三疊成都草堂韻

夜吟僧院靜晝邏使垣沈每係東川迹長闕北關心失
時年漸老避地計難任萬里橋西路回看屋樹森
攜妓嘗呼飲將孥復破貧雍容四州守灑落一年詩衰
衰青山擁悠悠碧浪移瀟湘含睇邈停坐莫須危
穴險終離虎宮幽未探蛟狐亭朱橘樹雙寺綠蘿梢放
眼非秦甸營身似蜀郊王楊此遺翰慎勿炫前茅
草堂行處有公勝樂天翁一辨分香遠三間割宅同觀
書期卓犖留晝影冥濛素壁陪芹藻流傳客話叢

說夢爲澹園太守時有令弟研香編修之戚

沈郎齒廿六寒夜栖館垣夢衣壞色衣朱履行軒軒還

迤造一所署曰聞喜園四圍湧金界十丈飄珠旛諸天
塑一一尊者爲世尊禮罷指西壁且擁團蒲溫定僧定
其上白業依法門東有老尊宿相對熊熊蹲形骸肖槁
木道氣藏六根定僧起離席手炷香微屠敬參世尊座
鉢水清無痕持之獻尊宿吸斷西江奔舉鉢擲僧面僧
亦無所怨逕投尊宿懷舉衣相浚掀須臾料七條僧形
滅弗存化成兩沙彌其一髮未髡頗露端正相合掌蟠
趺跟其一赤雙腳貼地翻毘盧轉身學胡旋風勢窮追
騫曲踊升玉龕蛻委飛精魂爾時鐘鼓磬鏡板聲交喧
衆生哭且讚如會五蘭盆昇龕寘檐外待報茶毗恩請

君請舉火宗旨資闡諭願讓老尊宿烏几嵌玕玕灑翰
潑餘瀝簇簇金花屯再請君再讓沙彌磨迺言琅然吐
八字脫口瓶倒翻君迺自持偈祖堂探靈源奉香熨龜
背三昧揚熾燉瓔珞裝妙嚴貝葉吹續緇九天曼陀雨
獻果紛經猱雄雞裂牕曉何處爾祇洹輪飏三十載掌
夢槽其原我於大雄教終莫闕離藩多君好兄弟分體
同母坤雙清照名籍猶水淨不渾君遇稍輒軻芳抱貞
離蓀向非識力定焉得湔羶昏君弟舉省首取次搏鵬
鷖一朝赴玉樓黯黯膏自燔簪花宴闌喜苦憶聯荒墳
逝者往在弟生者今在昆生者修苦行逝者消宿冤頭

陀了粥飯循省心堪捫打鐘報圓滿應響通天關

澹園送薺組並受其法

棹柳攢攢綠送陰連勝嫩甲長薺心尋常風露提筐早
莫遣黃花似散金

羹材從古配珍鮭湯瀹風乾榨更佳略糝水晶鹽似雪
豔灰封口甕分排

齋廚頗記勝官廚豕臠羊羶百不如最是一样青蕪美
亂和茶飯嚼春蔬

滬城蔬味壓糟香饒守無因遠噉將分付園官畱幾把
再攜齋臼報東陽

澹園復遺五香冬菹索疊前韻

如水清簾午
泥陰坐收旨蓄慰冬心
菜根風味分甘好
不數交情筮斷金

長腰春罷割鯖鮓
碧綠青黃此倍佳
看殺茴香裝髻手

細節倒藏費鋪排

茴香醫名本草娘之說

滿瓶花氣逗賓廚
笋苦櫻酸倭孰如
爲笑蘇巢杜蒿荳
但隨粗糲試生苴

小印鉗泥字五香舉場辛苦記同將

金陵秋試時例給舉子五香大頭菜

知君慣買工求益
要我牛齡趁夕陽

中江

一境分鄴縣鄴流碧玉清
私田晴未雨官路險差平
片石交花細重巒積翠明
夜來元武山名影河漢互縱橫

趙家渡

雲頂山名盤雲下斜陽野道紆
水田分二浸烟市近三都
辟暑牆圍竹招閒岸拍鳧
焦山聞不遠渡馬重相呼

五日

秦陵東引五雲車五日江樓閣物華

耐廟共聞成典禮罷舟非爲諷
淫奢燒延院外朱榴樹
簪罷房中素柰花深念去年

慈福備洗兵時景蔚蒸霞

呂陶邨引疾還澤州

合椿花謝故人逢
重見花開散跡蹤
邊徼身名甘苦慣
曹司職業去畱容
杖頭藥裹尋醫問
廚底蔬齋教客供
知爾無田歸亦好
全家一笑涕翻從

出時乘傳返騎驢
仕止無心衆不如
先廟文章彛器上

貴游情誼角聲餘
用右軍事傳經尚信科
名重解組何嫌禮

法疎屈指橫汾秋
雁早半途休恡一
行書

檻木 檻音飲 蜀人謂之檻木樹

連臂圍崇柯云是
十年木釋木雖見
遺封植數西蜀根
枝交蔽虧節目少
盤蹙其陰若格容
其葉若桑沃其材

比新蒸其產近谿澳好覓少府裁雅傍杜陵屋共傳小
宋贊未誤半山讀園丁移種初二配籠竹閱歲林遂
成張王耐三伏爲用利頗饒論壽朽偏速美惡無定資
陳義在檀穀亦號水青桐緣江指濃綠